



# POL TANA WAMU!

Kwentu buy Gulis ni: Richard D. Payawal  
Mamialis Habi: Michael M. Gonzales  
Magsuri hên Habi: Robert S. Valencia  
Magsuri: Ruby M. Jimenez PhD  
Lapat lan: Jacqueline E. Libut  
Erwin H. Iruma









*Layih ha Pamakamuwang*

- *Mahabi ya batayan na impurmasyon patungkul ha sarili: langan, mani tua, kaalluan, taun, pamairiyan, eskwela, buy pamakabalay hên katangian bilang Pilipino APINAT-Ia1*





## DEVELOPMENT TEAM

**Kwentu buy Gulis ni:** Richard D. Payawal

**Mamialis Habi:** Michael M. Gonzales

**Magsuri hên Habi:** Robert S. Valencia

**Magsuri:** Ruby M. Jimenez PhD

**Lapat lan:** Jacqueline E. Libut

Erwin H. Iruma

**Learning Resource Manager:**

Ruby M. Jimenez PhD


*Education Program Supervisor*

*Learning Resources Management and Development Section*

## PAMPANGA




# POL TANA WAMU!





“**H**iku hi Apolinario Roman L. Puno.” Biglan nipangkaili ya mani kaeskwela ku hin nagpabalay aku. Ayin itaman ginit ta baru ku. Ayin êt itaman dêmêk ka lupa ku. Nu ah, hênta a hila antunggên ha pangkaili?







APOLINARI  
ROMAN



“Ka langan muy apu ku!” tukhu nin mihay kaeskwela ku. “Awya, êmên langan tua!” ngawngaw êt miha. “Makadaan!” malabak ka habin kaatag, hinunun kailiyan mani kaeskwela ku.







DAVE



Ah kaparehu kangku, ya langan  
mani kaeskwela ku ya tunuy bayu.  
Tunuy mahampat. Tunuy ubat ha  
mihay bansa. Main Angelica Mae,  
Jennifer, Carol Anne, Vanessa,  
Rubilyn, Samantha, Patrick, Christian,  
Kevin, James, Dave, buy Louie.





CAROL  
ANNE

JAMES

ANGELICA  
MAE

JENNIFER

DAVE

PATRICK

KEVIN

SAMANTHA

VANESSA

RUBILYN

LOUIE

CHRISTIAN



Allu-allu, bayu mag-umpisa ya Mestara, mamêg yan langan naên mani miha. Nu bêgên na kina nakaêlêw ana ya mani kaeskwela ku kangku. Êmên *spring* ya ampag-ukdu ya lêêy la buy êmên *speaker* ya têt la.







APOLINARIO  
ROMAN



Biglan nangkaili ya êt ta buun klase. “Magtêgên!” habin Mestara kayari nan binêg ga langan ku. Nallêngê itaman na mani kaeskwela ku. Biglan naayin na masikan na kailiyan buy labak.









Nam-ih hên aralên ha bali ya mestara. “Muwangên buy ihulat ha papel ya kwentu patungkul ha langan muyu buy habiyên muyu nubukah ha klase,” ya habi na. Bigla akun nalimu nin magpahuk kaibukahan.





Muwangên buy ihulat ha  
papel ya kwentu  
patungkul ha  
langan muyu.





Nu maari dayi hagilyan na  
langan ku. Mark ta lawêh? Hapanu  
Rico itaman. Pol laweh? Away, Pol  
tana êmên mahampat lêng-ên, a  
kaparihu nin Apolinario Roman.








APOLINARIO  
ROMAN



Nu Pol ya langan ku, akina  
tukhuên mani kaeskwela ku. Mag-in  
tunuy sikat. Êmên bida ha palabas  
ya pan-albayan naên ha telebisyun  
balang mahilêm.










Pamakauli ha bali, namiapag maêkan hi Indu. Napakarani ku kana ta kinutang kuya. “Indu, maari Pol tana ya paglangan ku? Akina labay ha Apolinario Roman.” Napatêtbêk hi Indu ha hinabi ku kana.









Naku hi Indu ha sala ta kinwa  
naya a mihay kahun. "Maku bayri,  
anak ku ta main akun ipakit  
kamu," habin Indu. Kabay  
nag-apurah akun naku kana.









Inpakit ni Indu ya letratu lan Bapa hin inkahal hila. Mahigla hila hin habaytuy allu. “Hika ya tagêy pamilabi naên bapa mu,” mahigla ya habin Indu.











“Labay naên espesyal ya langan mu. Kabay itaman pinilamu ya langan naên ‘Rosario’ buy langan bapa mu ‘Arman’,” habin Indu. “Kabay bayru naubat ta Roman,” pahan na kaban nakakaili ya.










Mahigla ku ha nalêngê  
ku. Kabay interesadu ku ha  
namuwangan ku. Nu ah aku  
talagan labay ya langan ku ya  
Apolinario. “Maari kaya Pol Roman  
tana ya langan ku?” pan-ipilit ku  
kan Indu.










Kinwa ni Indu ya mihay letratu ni Bapa ya karani nin mihay estatwa. “Hinuy habain, Indu?” nakaupapa aku kaban nakaêlêw ha letratu. “Habaytsi ya anpakaulimênên ya bayani nin Bapa mu Arman,” têbay ni Indu.









“Bayani?” kutang kun uman.  
“Awya. Hiya hi Mabini,” tēbay ni Indu. “Maski aya kabita, a hadlang kana êmên ah ikahulu ya bayan tamu,” pahan ni Indu.










“Ha paka nin kairapan, mautêk buy mahipêg ha pamag-aral hi Mabini,” istorya ni Indu. “Kabay habaytu ya labay naên madiyag mu kana, anak.” “Awya, labay kun mag-in kaparihu ya,” têbay ku kan Indu.










“Apolinario Mabini ya buu  
langan na.” Nag-ukdu ya pusu ku  
ha hinabin Indu. Aku awud dapat  
ikarêng-êy ya langan ku ta ubat ha  
mani tua ku buy ha mihay bayani.










Ikabukahan, ya labak buy kailiyan  
ya angkalêngê ku kayari binêg  
ya langan ku ay nahagilyan nin  
palakpak ubat ha mani kaeskwela  
ku. Naghiglan kaganawan buy  
inulimên la ya istorya hên langan ku.







APOLINARIO  
ROMAN









# APOLINARIO ROMAN

PATUNGKUL HA MAIN-AKDA, MAMIALIS HABI, MAGSURI HÊN HABI,  
MAGSURI, TAGA-GULIS, BUY MAMILAPAT

RICHARD D. PAYAWAL:

Kasalukuyan manure ha  
Pasig National High School  
Pasig, Candaba, Pampanga  
bilang Teacher III

MICHAEL M. GONZALES:

Kasalukuyan manure ha  
Sapang Uwak Elementary School  
Sapang Uwak, Porac, Pampanga  
bilang Teacher I

ROBERT S. VALENCIA:

Indigenous People (IP) Elder  
Camias, Porac, Pampanga

RUBY M. JIMENEZ PhD:

Education Program Supervisor - LRMDs  
Schools Division Office of Pampanga

JACQUELINE E. LIBUT:

Kasalukuyan manure ha  
Guagua Elementary School  
Santa Filomena, Guagua, Pampanga  
bilang Teacher III

ERWIN H. IRUMA:

Kasalukuyan manure ha  
San Basilio High School  
San Basilio, Santa Rita, Pampanga  
bilang Teacher III



Balang bêgên aku hên Mestara  
pirmi nin mangkaili ya mani  
kaeskwela ku. Aku muwang nu hinu  
ya main ha langan ku. Hinu kaya?  
Yabay ya kutang ku kan Indu.

